

二十四史分類輯要

第二函
第六冊

唐憲宗

以裴度兼彰義

卽淮西

節度使充淮西宣慰招討使○諸軍討淮

西四年不克饋運疲弊民至有以驢耕者上亦病之宰相李逢吉等競言師老財竭意欲罷兵度獨無言上問之度曰臣誓不與此賊俱生今請自往督戰且元濟勢實窘迫但諸將心不一不併力迫之故未降耳若臣自詣行營諸將恐臣奪其功必爭進破賊矣上悅從之度奏刑部侍郎馬總爲宣慰副使右庶子韓愈爲行軍司馬將行言於上曰臣若滅賊則朝天有期賊在則歸闕無日上爲

去聲

之流涕御通化門送之

李愬攻吳房入其外城○李愬將攻吳房

今河南汝寧府遂平縣

諸將曰

今日往亡

立春後七日驚蟄後十四日清明後二十一日立夏後八日芒種後十六日小暑後二十四日立秋後九

自白露後十八日寒露後二十七日立冬後十日大雪後二十日小寒後三十日是謂往亡日

足戰宜出其不意彼以往亡不吾虞正可擊也遂往克其外城

而還冬十月李愬夜襲蔡州擒吳元濟檻

何檻音咸上聲

送京師○

襲未

有書時者書夜襲何奇愬功也淮西之功惟李愬多予辭是故文城柵降書擒淮西將書入吳房外城書夜襲蔡州擒吳元濟書賜爵涼

國公書

李祐言於李愬曰蔡之精兵皆在洄曲守州城者皆

羸卒可以乘虛直抵其城比賊將聞之元濟已成擒矣愬然之

十月遣掌書記鄭澥

蟹

白裴度度曰兵非出奇不勝常侍良圖

也愬乃命祐及李忠義帥突將三千爲前鋒自與監軍將三千

人爲中軍李進誠將三千人殿

顛去聲

其後軍出不知所之愬曰

但東行行六十里夜至張柴村盡殺其戍

愬

卒據其柵命士卒

少休復夜引兵出諸將請所之愬曰入蔡州取吳元濟諸將皆失色時大風雪人馬凍死者相望人人自以爲必死然畏愬莫敢違夜半雪愈甚行七十里至州城自吳少誠拒命官軍不至蔡州城下三十餘年故蔡人不爲備四鼓愬至無一人知者祐

忠義鏐

匡入聲○大鉏也

其城以先登壯士從之殺守門卒而留擊柝

者使擊柝如故遂開門納眾雞鳴雪止愬入居元濟外宅或告元濟曰官軍至矣元濟不信起聽於庭聞愬軍號令曰常侍傳語應者近萬人始怯曰何等常侍能至於此乃帥左右登牙城

丙城也

拒戰時董重質擁精兵萬餘人據洄曲愬曰元濟所望者

重質之救耳乃訪重質家厚撫之遣其子傳道持書諭重質重

質遂單騎詣愬降愬攻牙城燒其南門門壞執元濟檻

載囚送車也

京師且告於裴度申光二州及諸鎮兵相繼來降自元濟就擒

愬不戮一人自官吏帳下厨廩之卒皆復其職使之不疑然後

屯於鞠場

蹋鞠之場

以待裴度諸將請曰始公敗於朗山

今汝寧府確山縣

而不憂

初愬遣兵攻朗山不勝於吳房而不取冒大風甚雪而利眾皆悵悵愬獨喜

不止孤軍深入而不怯然卒以成功皆眾人所不論也敢問其

故愬曰朗山不利則賊輕我不爲備矣取吳房則其眾奔蔡併

力固守故存之以分其兵風雪陰晦則烽火不接不知吾至孤

軍深入則人皆致死戰自倍矣夫視遠者不顧近慮大者不計

細若矜小務恤小敗先自撓矣何暇立功乎眾皆服愬儉於奉

細若矜小務恤小敗先自撓矣何暇立功乎眾皆服愬儉於奉

已而豐於待士知賢不疑見可能斷此其所以成功也

南湖丁氏曰李愬所論用兵凡智將皆能之而其所不可能者有三焉夫忌敵者恒情也而彼獨厚結李祐以圖其成爭功者常態也而彼獨拜迎裴度以敦其讓蓋李晟乃仁義之將而愬其子故家法流傳如此况愬之籌畧尤有克肖乃父者乎

二月平盧都將劉悟執李師道斬之○田宏正李愬屢敗平盧

兵李師道發民治城塹

鐵去聲○遶城水也

役及婦人民懼且怨都知兵

馬使劉悟將兵萬餘人屯陽穀

今山東兗州府陽穀縣

以拒官軍務爲寬

惠使士卒人人自便軍中號曰劉父或謂師道曰悟專收眾心

恐有他志師道潛遣二使齎

濟平聲

帖授行營副使張暹

纖

令斬

悟暹素與悟善懷帖示之悟召諸將謂曰悟與公等不顧死亡

以抗官軍誠無負於司空今司空信讒來取悟首悟死諸公其
次矣且天子所欲誅者獨司空一人今軍勢日蹙吾曹何爲隨
之族滅欲與諸公遷入鄆州奉行天子之命豈徒免危亡富貴
可圖也有後應者皆立斬之眾懼皆曰惟都頭命乃令士卒皆
飽食執兵夜半聽鼓三聲絕卽行天未明至城下子城門已洞
開悟勒兵捕師道與二子斬之慰諭軍民函師道父子三首送
田宏正營宏正大喜露布以聞淄青等十二州皆平自廣德
年號以來垂六十年藩鎮跋扈河南北三十餘州自除官吏不供
貢賦至是盡遵朝廷約束矣

唐懿宗夏六月王式擒裘甫送京師斬之○諸將還越

卽紹興府也

式大置

酒諸將請曰某等生長軍中久更耕行陳今幸得從公破賊然

私有所不論者敢問公之始至軍食方急而遽散之式命諸縣開倉廩以

賑貧乏或曰軍食方急不可散也式曰非汝所知何也式曰此易知耳賊聚穀以誘饑

人吾給之食則彼不爲盜矣且諸縣無守兵賊至則倉穀適足

資之耳不置烽燧或請爲烽燧以誦賊式笑而不應○烽燧見四四卷十七訓音兄去聲候伺也何也

式曰烽燧所以趣促救兵也今兵盡行無以繼之徒驚士民使

自潰會亂耳使懦卒爲候騎而少給兵式選懦卒使乘健馬少給之兵以爲候騎眾怪

之不敢問何也式曰彼勇卒搃利兵遇敵且不量力而鬪鬪死則賊

至不知矣皆拜曰非所及也

唐僖宗 王仙芝陷濮曹州冤句渠人黃巢聚眾應之○仙芝及其黨尙

君長攻陷濮曹

今山東兗州府曹州

州冤句

縣名故城在曹州界內

人黃巢善騎射

喜任俠粗涉書傳屢舉進士不第遂與仙芝共販私鹽至是聚

眾應之攻掠州縣民之困於重斂者爭歸之數月之間眾至數

萬黃巢入長安上走興元○

唐世播越多矣或書如或書奔未有書走者走賤詞也以萬乘之尊

而爲賤者之舉可耻甚矣

鳳翔

今陝西鳳翔府

博野

今直隸保定府博野縣

援兵至渭橋見新

軍衣裘溫鮮大怒掠之更爲巢鄉

向

導以趨長安既入城田令

孜帥神策兵五百奉帝自金光門出惟福穆澤壽四王及妃嬪

數人從行百官皆莫之知上趨駱谷鳳翔節度使鄭畋謁於道

次請留鳳翔上曰朕不欲密邇巨寇且幸興元

今陝西漢中府

徵兵以

圖收復卿可糾合鄰道勉建大勲畋曰道路梗澀

澀本字

奏報難

通請得便宜從事許之

黃巢僭號巢殺唐宗室在長安者無遺類遂入宮自稱大齊皇

帝改元金統以其將尙讓爲太尉巢將碭

名山今江南徐州碭山縣朱溫

屯東渭橋溫少孤貧與兄存昱

欲依蕭縣今徐州蕭縣劉崇家崇數

朔苦辱之崇母獨憐之戒家人曰朱三非常人汝曹善遇之

三年夏五月李克用破黃巢收復長安李克用與忠武將龐從

河中將白志遷等引兵先進與黃巢軍戰於渭南一日三捷義

成義武

軍名治直隸正定府定州

等諸軍繼之賊眾大奔克用等入京師巢

焚宮室遁去詔克用同平章事克用時年二十八於諸將最少

而兵勢最彊破黃巢復長安功第一諸將皆畏之克用一目微

廿四史劄記卷之十一
五
眇時人謂之獨眼龍

尙讓敗黃巢于瑕丘賊黨斬巢以降尙讓追黃巢至瑕丘

今兗州府

磁陽縣

敗之巢眾殆盡巢甥林言斬巢兄弟妻子首將詣時溥

威化

軍節度使

沙陀軍奪之并斬言以獻

時在徐州

冬十月田令孜遣朱玫李昌符攻河中李克用救之十二月進逼京城上奔鳳翔○十月王重榮求救於李克用克用方怨朝廷不罪朱全忠聚結諸胡議攻汴州報曰待吾先滅全忠還掃鼠輩如秋葉耳重榮曰待公自關東還吾爲虜矣不若先除君側之惡退擒全忠易矣時朱玫李昌符亦陰附於全忠克用乃上言玫昌符與全忠相表裏欲共滅臣臣不得不自救已集蕃

漢兵十五萬決以來年濟河北討二鎮不近京城保無驚擾還

滅全忠以雪讎恥上遣使者諭釋寇蓋相望令孜遣玫昌符將

本軍及神策等軍合三萬人屯沙苑

地名在西安府朝邑縣南

以討王重榮

重榮發兵拒之告急於克用引兵赴之十二月與重榮俱
壁沙苑表請誅令孜及玫昌符詔和解之克用不聽十二月合
戰玫昌符大敗克用進逼京城令孜奉天子幸鳳翔

二年春正月田令孜劫上如寶雞李克用還軍河中與王重

榮同表請上還宮因罪狀田令孜請誅之令孜引兵入宮劫上

幸寶雞

今鳳翔府寶雞縣

時令孜弄權再致播遷天下共忿疾之朱玫

李昌符亦恥爲之用且憚蒲

河中王重榮

晉

晉陽李克用

之彊更與之合

唐昭宗

夏四月詔削奪李克用官爵屬籍以張濬爲招討制置使會諸道兵討之○赫連鐸李匡威請討克用朱全忠亦上言克用終爲國患臣請與河北三鎮共除之乞朝廷命大臣爲統帥初張

濬因楊復恭以進復恭中廢更附田令孜而薄復恭復恭再用

事深恨之上知濬與復恭有隙特親倚之濬亦以功名爲已任

每自比謝安裴度克用薄其爲人聞其作相私謂詔使曰張公

好虛談而無實用傾覆之士也主上采其名而用之他日交亂

天下必是人也濬聞而銜

憾○

之及全忠請討克用上命二省

御史臺四品以上議之以爲不可者十六七濬欲倚外勢以擠

復恭乃曰先帝再幸山南

道名治興元

沙陀所爲也臣常慮其與河

朔卽河

相表裏致朝廷不能制今兩河藩鎮共請討之此千載

一時也但乞陛下付臣兵柄旬月可平孔緯曰濬言是也上曰

克用有興復大功今乘其危而攻之天下其謂我何緯曰陛下

所言一時之體也張濬所言萬世之利也上以二相言協同

俛同從之曰茲事付卿二人無貽朕羞乃以濬爲河東行營都

招討制置使孫揆副之

秋八月李克用執招討副使孫揆以歸殺之○張濬恐昭義遂

爲汴人朱金

所據使孫揆將兵二千趣潞州八月發晉州今山

陽

府李存孝聞之以三百騎伏於長子

今潞安府

西谷中擒揆及

中使韓歸範獻於克用克用欲以揆爲河東副使揆曰吾天子

大臣兵敗而死分也豈能復事鎮使邪克用怒命鋸之不能入
揆罵曰死狗奴鋸人當用板夾汝豈知邪乃以板夾而鋸之至
死罵不絕聲

天復元年春正月朔神策指揮使孫德昭等討劉季述等皆伏
誅上復卽位黜太子裕爲德王○神策指揮使孫德昭自季述
等廢立常憤惋不平崔允聞之遣判官石晉說之曰今反者獨
季述仲先耳公誠能誅此二人迎上皇復位則富貴窮一時忠
義流千古苟狐疑不決則功落他人之手矣德昭曰相公有命
不敢愛死遂結右軍都將董彥弼周承誨謀以除夜伏兵安福
門外以俟之正旦仲先入朝德昭擒斬之崔允迎上御長樂門

樓帥百官稱賀周承誨擒劉季述王彥範繼王方詰乞責已爲

亂挺所斃薛齊偓赴井死出而斬之上曰裕幼弱非其罪黜爲

德王賜德昭姓名李繼昭承誨姓名李繼誨彥弼亦賜姓皆以

使相

唐節度使兼平章事者曰使相

留宿衛時人謂之三使相上寵待允益厚

朱全忠由是亦益重李振

梁太祖

夏五月晉王攻梁夾寨

梁去聲○寨壘也去年六月梁遣康懷貞攻晉潞州李嗣昭閉城拒守晉遣周

德威救之八月德威敗梁兵梁遣李思安代懷貞至潞州城下更築重城內以防奔突外以拒援兵謂之夾寨

破之潞州圍解○李思安攻潞州

今山西潞安府

久不下晉王與諸將

謀曰上黨

卽潞州

河東之藩蔽無上黨是無河東也且朱溫所憚

者先王爾聞吾新立以爲童子未閑軍旅必有驕怠之心若簡

精兵倍道趣促之出其不意破之必矣取威定霸在此一舉不

可失也乃大閱士卒以丁會爲都招討使帥周德威等發晉陽

師河東治五月朔晉王伏兵三垂岡質實云未詳處所下詰乞旦明旦也大霧

進兵直抵夾寨梁軍無斥候將士尙未起晉王命周德威李嗣

源分兵爲二道填塹籤去聲○遠城水也燒寨鼓譟而入梁兵大潰會南

走失亡將士萬計委棄資械山積梁主聞夾寨不守大驚旣而

歎曰生子當如李亞子克用爲不亡矣至如吾兒豚犬耳

春二月梁均王友貞起兵討賊友珪伏誅○友貞立于大梁更

名瑱友謙復歸梁友珪遽爲荒淫內外憤怒駙馬都尉趙巖太

祖之壻也龍虎統軍袁象先太祖之甥也巖奉使至大梁即東都

五代梁
主瑱